

'shàmû rang'

A Collection of
Wedding Songs and Leelas
by

Smt. Shamrani Raina



(Internet Edition: M.K.Raina)
05 April 2007





Smt. Shamrani Raina

(1933-2007)

“Maa ... You will always live in our hearts”

– Raina Parivar, Vasai, Mumbai -

सूची

१. महा गॅनीशस कुन
२. ब्यल तय मादल
३. ही सदा शीवु
४. गन्योमुत छुम मनस
५. गाह च्च हरम्बख
६. वॅकम्य साँ नीनवु कांगुर म्यॉन्य
७. हयो शाम लालो
८. वादु वॅकरिथुय
९. कर साँ म्योन न्याय अंदे
१०. हा जानि अँज़ीज़ो
११. द्रायि फुलयाह
१२. च्च माता कासतम मे गम
१३. जय दुर्गे
१४. सुदामु
१५. वॅकम्यू नियि प्रॉटिथ

१६. जगत अम्बा
१७. बालि छुमय रुमु रुमय
१८. बिंता आव पोशि नूलो
१९. अज हय यियि शंकर
२०. चित्रगुप्त दर्म राजु छुय नमसकार
२१. सुमरन पनुन्य दिच्चॉनम
२२. अँछ दरु लजम
२३. शर हय जिगरस सोरुय द्रामय
२४. संतुश्ट रोजतम
२५. माँज वनतय पाया म्योन
२६. ग्वडन्य गनपत जीयस कुन कर नमसकार
२७. कूत तुलु व्वन्य अजाब माँजी
२८. चानि डेडि तल बु आस
२९. चोन बजराह
३०. हॉरिये थावख ना कन तु लोलो
३१. माँज शारिकॉय गोश थवतम
३२. स्वख तु सम्पदा
३३. जान वंदुयो यारि जानानो

३४. ॐ श्रीमत ही बवॉनी

३५. माँज लक्ष्मी आयि सोन साल लोलो

३६. रिंदु पोशि माल



१. महा गॅनीशस कुन

महा गॅनीशा बोजू ज़ारु पार
बवसरु तार लोलो
कासतम मे मोह अंदुकार
स्वरगस खार लोलो

गॉमुन्न छस गिरिफतार
समयिकि ज़ालु लोलो
छुय ना न्ने केंह ति म्योन आर
बवसरु तार लोलो

गदि प्यठ छुख न्नु बिहिथ
शूबवुनि चालि लोलो
थोद क्याह छु चोन दरबार
बवसरु तार लोलो

नॉल्य छुय म्वख्तय हार
बेयि स्वनु मालु लोलो
सनम्वख छुख न्नु साकार
बवसरु तार लोलो

आदि दीवु सर्व आदार
यिखना सालु लोलो
होल छुम कूत काल गिरु
बवसरु तार लोलो

सूर गोम वीरि हकि नार
व्वन्य हा पान ज़ालु लोलो
नतु करतु म्योन केह चारु
बवुसरु तार लोलो

लँजिमुन्न छम अँशिस दार
कोताह बु ज़ालु लोलो
मरु मा मटि छुय त्रे मार
बवुसरु तार लोलो

उमा छसय बेहाल
करतु सोन चारु लोलो
शापन करतम लार
बवुसरु तार लोलो

मसरूर दर इन्तिज़ार
रटुहॉथ नालु लोलो
बँखत्यन बख्चन हार
बवुसरु तार लोलो

महा गँनीशा बोजू ज़ारु पार
बवुसरु तार लोलो
कासतम मे मोह अंदुकार
स्वरगस खार लोलो

★★★

२. ब्यल तय मादल

ब्यल तय मादल, व्यनु ग्वलाब पम्पोशि दस्तय
पूजायि लागव परमु शिवस, शिव नाथस तय

जटाह मुकटाह, प्यठु गंगा वसान छस तय
दीवी तु दिवता, विष्णु ब्रह्मा छिस दस्त बस्तय
बक्ती बावुक जयजयकार ऑसिन तस तय
पूजायि लागव परमु शिवस, शिव नाथस तय

पम्पोशि पादव सुत्य यितम अस्तय अस्तय
चरनन बु वंदय जुव जान ह्यथ वॉलिंज वस तय
यिनु चानि सुत्यन पोन्थ वुज्यम नाग रादस तय
पूजायि लागव परमु शिवस, शिव नाथस तय

दया सागरु लोलु वुजयायि वॅरिन मस तय
हा पोशि मते, होशि डॅल्यमुत्य छि, थव द्यान ह्यस तय
आसार समसार, छॅलुरावान सोर रोजि कस तय
पूजायि लागव परमु शिवस, शिव नाथस तय

पॉर्य पॉर्य लगय ना, शिव शंकर, शिव नावस तय
दर्शनु चान्युक छुम यछि लोल सुत्य हावस तय
टोठतम सदा शिवु, जगतीश्वर छुस बेकस तय
पूजायि लागव परमु शिवस, शिव नाथस तय

अमरनाथस, नीलकंठस कलु वंदस तय
दयायि सुत्यन कृष्णस प्यठ आर यीनस तय
यछि पछि सुत्यन गछु अरपन शिव नावस तय
पूजायि लागव परमु शिवस, शिव नाथस तय

★ ★ ★

३. ही सदा शीवु

ही सदा शीवु अज्ज म्योन, बोज्जख ना च्चु ज्जारु पारय
कांह ति न्यराश गव ना, चानि येमि दरबारय

चानि नावु मंत्रु सुत्त्य, पॉपियव ति गिंवि मूक्षदाम
ज्जन्मन हुंघ पापुन्य बार, नखु वसन मे वारु वारय

शुद्ध बक्त्ति बाव ह्यथ युस, चाने डेडि तल आव
गच्छि तस मन न्यरमल, बेयि गल्यस अहंकारय

ईश्वर माया यि चॉन्त्य, शूबुवुन्य तु लूबुवुन्य छि क्याह
रंगु रंगु हाव दर्शुन, कुनि प्यठ ना एतिबारुय

बॅखुत्त्य वत्सल छिय वनान, छुख च्चु बख्त्त्यन दया करान
दयायि हुंघ बर मुच्चराव, कर पॉपियन वोदारय

न्यथ अच्चू मन मंदरस, तथ अंदर मूरथ च्चु मंग
तस सुत्त्य मिलनाव ज्जान, मतु फेरतु आवारय

च्चु ति गच्छ दिवान कनु डोल, बु ना शेवु त्रावथ नु ज्जांह
वर मे पादि कमलन तल, तथ ना छुय कांह ति चारय

वुछतखू बॉय तय बंद, तिम ति छा दूख अँजरान
पोज्ज हा छुय अख शिव नाव, नतु छा सम्सारय

दिखना मे लोलु वुज़िन्या, प्रेम ज़ल द्य मे वुज़िहे
फवलहँन मे बाव पम्पोश, पूज़ि लागय अंबारय

मे ति दितु ज्ञानुक दीप, मोह अनिगटु गछिहेम दूर
सूर गछि मे अबिमानस, तु दय मेत्यम यखबारय

★ ★ ★

४. गन्योमुत छुम मनस

गन्योमुत छुम मनस चोन बाव
जगत माता मे दर्शुन हाव
मे आमुत लोलु बानन छाव
जगत माता मे दर्शुन हाव

जगत माता चू टोठान छख
बगत संतानुनय बेशक
ह्यवान युस लोलु सुत्य चोन नाव
जगत माता मे दर्शुन हाव

जगत माता मे संतुश्ट रोज़
वनान ज़ोरी छसय च़ुय बोज़
पनुन्य दयिगत दयालु मे हाव
जगत माता मे दर्शुन हाव

तँमिस क्या गम येमिस यावर
चू आसख ताज दिथ बरसर
शतुर सुंद पोरि तस कति दाव
जगत माता मे दर्शुन हाव

प्रेयमु नगरस अंदर च़ामुत
बु चाने डेडि तल आमुत
प्रेयमु अमृथ मे दामु दामु चाव
जगत माता मे दर्शुन हाव

वदान छुस मॉज गनेयम कल
दॅलिस तल मॉज ह्यतम जल जल
मे सतुचे प्रेयमु न्यँदरे साव
जगत माता मे दर्शुन हाव

बु छुस ही गँद्य च़े कित्य सारान
प्रेयमु सान डेडि तल गिरान
च़ु प्रेयमुकि बाव ही गँद्य छाव
जगत माता मे दर्शुन हाव

बु छुस पज़ि किन्य स्यठाह नादान
करान छुस पाप छुस अनज़ान
करुम माफ छुय च़े माता नाव
जगत माता मे दर्शुन हाव

जगत माता मे संतुश्ट रोज़
वनान ज़ॉरी छुसय च़ुय बोज़
पनुन्य दयिगत दयालु मे हाव
जगत माता मे दर्शुन हाव

करान छुस वील तय ज़ॉरी
थोकुस यूत काल गिर्य गिरी
मे ल्वकुचार गव बुजर व्वन्य आव
जगत माता मे दर्शुन हाव

छु दासा ज्ञेय परन प्योमुत
गँडिथ गुल्य ज्ञेय शरन आमुत
छु सुमरान चोन हरदम नाव
जगत माता मे दर्शुन हाव

★ ★ ★

५. गाह च़ु हरम्वख

गाह च़ु हरम्वख गाह च़ु कैलास
गाह च़ु शुमशानस अंदर
म्यानि शंकरु कति बु छांडथ
छुस बु तूफानस अंदर

त्रेय बु ज़ायोस, त्रेय बु रोछिथस
छुख च़ु म्योनुय मोल मॉज
क्या खता छुम क्याज़ि त्रोवथस
यीरु बुतखानस अंदर

जड मे फ्युरनम मोह माये
तृशनाये वोल मे ज़ाल
दम शुऑरी छम मे शंकर
तछनु खुमखानस अंदर

गोट मे गोमुत छुम अँछन दून
अनि सारे वँन्य दिवान
पनुनि अनुग्रह कर मे यॉरी
छुस बु वॉरानस अंदर

गोम ल्वकचार छल वॅर्य वॅर्य
दर जवॉनी अंदकार
पिलु कोत व्वन्य छम मे थरु थरु
नठ मे असमानस अंदर

तश्नुलद छुस ज़न्म ज़न्मन
त्रेशि हँतिसुय छुम प्यपास
चावतम अज़ म्यूठ दामाह
पानु मयखानस अंदर

म्यानि शंकरु कति बु छांडथ
छुस बु तूफानस अंदर

★ ★ ★

६. वॅरुम्य सॉ नीनवु कांगुर म्यॉन्य

वॅरुम्य सॉ नीनवु कांगुर म्यॉन्य
अँनिमुच्च ऑसुम चारुक्य वॉन्य
वॅरुम्य सॉ नीनवु कांगुर म्यॉन्य
तथ मंज्र ऑसुम अख नारु दॉन्य
वॅरुम्य सॉ नीनवु कांगुर म्यॉन्य

कांगुर ऑसुम गॅरिथ तु चॅरिथ
हॅरिथ कुस प्यव पोज़ वॅनितव
निया वावन किनु नियि पॉन्य
वॅरुम्य सॉ नीनवु कांगुर म्यॉन्य

कांगुर्य म्यॉनी कोत बी गॅयख
किनु निनु वॉलिस पॅरिस पेयख
हेरि ब्वनु जॉलिज्यस दॉन्य दॉन्य
वॅरुम्य सॉ नीनवु कांगुर म्यॉन्य

तुर मे लॅजिम कांगुर गॅछुम
यि वॅरुम्य नीनम यि क्या गव
छा सु मर्द किनु ख्वडु कॉन्य
वॅरुम्य सॉ नीनवु कांगुर म्यॉन्य

येमी गरु मंज्रु कोरुहॅम ठठय
कांगुर्य चूर मरि फ्रटु सुत्य
शहादथ थवस हमसायि चॉन्य
वॅरुम्य सॉ नीनवु कांगुर म्यॉन्य

कांगुर्य चूरस गालय बंगय
नंगय त्रावन लंकन मंज
कांगुरि चूरो द्रय छम चॉन्य
वॅम्य साँ नीनवु कांगुर म्यॉन्य

काचुर तु छाचुर असान छम
राविहेख पानस पेयिहेख बम
अख छम व्वजुज ब्याख छम तॉन्य
वॅम्य साँ नीनवु कांगुर म्यॉन्य

बूजिथ कांगुर अख जॅन्य आयम
बाया दिम साँ मॉफी व्वन्य
नीमुन्न ऑसुनय निकन म्यॉन्य
वॅम्य साँ नीनवु कांगुर म्यॉन्य

दोपुमस कन रठ व्वन्य मा करख
सोरुय बूजिथ येतिथुय मरख
छुहम पनुन किनु गॉर जॉन्य
वॅम्य साँ नीनवु कांगुर म्यॉन्य



७. हयो शाम लालो

हयो शाम लालो बु कोताह च़ालय
सबाये अंदर छिम कडान जामु नालय

लँजिस व्वपुरन मंज़, वँजिस वँकम्य बु शापन
गँजिस शर्मि दादे लँजिस गिल बु ज़ालस
हयो शाम लालो बु कोताह च़ालय

सबासद बनेमुत्य छि मोनिक च़ँत्रज़न
यि क्या ओस दयन ल्यूखमुत मे कृपालय
हयो शाम लालो बु कोताह च़ालय

दँरियोधनन सूज़ मेय निश दुशासन
रँटिथ केशि अँनिनस च़ँटिथ जामु नालय
हयो शाम लालो बु कोताह च़ालय

च़ु छुख दीन बंदु, मु मँशराव मे दीनस
ऋषीकेशु अशिने वसान छम मे च़ालय
हयो शाम लालो बु कोताह च़ालय

पेयी मा नँदुर च़े, सदा छुख ना बोज़ान
गँयी कोत दया वुन्यक्यनस ही दयालय
हयो शाम लालो बु कोताह च़ालय

मे वुन्यक्यन करान छुम नु कांह ति ह्यमायथ
चु रछतम तु वुछतम, छसय कमि हालय
हयो शामु लालो बु कोताह च्चालय

दया सागरु कर दया नीलु कँठस
चु दिम पानु दर्शुन, यितम अंतुकालय
हयो शामु लालो बु कोताह च्चालय



८. वादु कॅरिथुय

वादु कॅरिथुय येति हय द्रामय
चेर क्याज़ि गोस कोनय आमय

बरु कॅरनस क्याह करु लॉनिस
तीर लॉयिन जिगरस म्यॉनिस
सनु कोरुनम तनु नय आमय
चेर क्याज़ि गोस कोनय आमय

वॅछ वॉलिंज हावस मुच्चरिथ
कोछ पन ज़न थॅवनस पुच्चनिथ
हृदयस ति मे दोदुर चामय
चेर क्याज़ि गोस कोनय आमय

पास स्वनुसुय कॅरनम सरतल
बालि दिच्चुनम लॉनिन्य करतल
खूनु पनुने सोज़स नामय
चेर क्याज़ि गोस कोनय आमय

दुदु चूर हय मखन चूर हय म्योन
वॅन्यवी हूरव त्वहि मा ड्युंठवोन
नाव तॅम्यसुंद छु राधे शामय
चेर क्याज़ि गोस कोनय आमय

बनसी वायान लायान कम तीर
छ्वकुलद छि गछान कम कम वीर
तीर लायान लायान द्रामय
चेर क्याज़ि गोस कोनय आमय

बुंबु खंजर बेयि तीर कमान
दूरि प्यठय हूरन छु लायान
बर मंदिन्यन केरुनम शामय
चेर क्याज़ि गोस कोनय आमय

राधा छस तन बु नाँविथ
स्वनु महारेन्य छस पॉरॉविथ
तनि मँडिमृत्य स्वरगुक्य जामय
चेर क्याज़ि गोस कोनय आमय

स्वरगु मंज़य स्वरगुचि हूरे
दिल ह्यथ गोम चूरे चूरे
चूरि न्यसुब शबन द्रामय
चेर क्याज़ि गोस कोनय आमय

वादु कँरिथुय येति हय द्रामय
चेर क्याज़ि गोस कोनय आमय

★ ★ ★

९. कर साँ म्योन न्याय अंदे

कर साँ म्योन न्याय अंदे
मॉर्य मंदे मदन वारो
कर साँ म्योन न्याय अंदे

छोंडुमख हनि हने
वनि आहँम नो वफादारो
गोछु हमा ब्रोंठु कने
मॉर्य मंदे मदन वारो

बाल कॅरथस गटे
हटि तलुके म्वख्तय हारो
गंडुथो बु अकि लटे
मॉर्य मंदे मदन वारो

स्वन छम पामु दिवान
कामु दिवो जानावारो
तनु वोतुम रिवान
मॉर्य मंदे मदन वारो

शबु अकि यूर्य यितम
यारु म्याने सितमगारो
रोशि दीदार दितम
मॉर्य मंदे मदन वारो

कर सॉ म्योन न्याय अंदे
मॉर्य मंदे मदन वारो
कर सॉ म्योन न्याय अंदे



१०. हा जानि अँजीजो

हा जानि अँजीजो, व्वला गूर करॉयो
मति लाल जरॉयो, व्वला गूर करॉयो

पनुन्यव तु परायव, दोस्तव तु रँफीकव
बनुनस ति ग्यूलहमो, व्वला गूर करॉयो

थरि हुंदि ग्वलाबो, कथ जायि फोलुहँमो
मुशिक चानि बलॉयो, व्वला गूर करॉयो

वुडुर हुंदि क्वंगु पोशो, कथू जायि फोलुहँमो
पोंपर जाय छयो, व्वला गूर करॉयो

डलु के पम्पोशो, कथू जायि फोलुहँमो
बडि डलु जाय छयो, व्वला गूर करॉयो

व्वलु लालु गछव डल, मंजु छा हज़रतबल
स्वनु लॉकि तरॉयो, व्वला गूर करॉयो

दँरियावु तरुन प्योम, सनि खोतु सोन बास्योम
कमि तारु तरॉयो, व्वला गूर करॉयो

मँजनून खोत नँजिदस, लॉल चायि मज़ारस
लॉलि हुंदि मँजनूनो, व्वला गूर करॉयो

र्वपु र्वनि अंजोलुय, श्र्वनि दार मंजोलुय
चंदनुक बु गरॉयो, व्वला गूर करॉयो

शाहबाज़ अयाज़ो, व्वला महमुद्य वाज़ो
शाहनामु परॉयो, व्वला गूर करॉयो

★ ★ ★

११. द्रायि फुलयाह

द्रायि फुलयाह बादाम वारि लोलो
करू पूजा जगत अम्बायि लोलो

व्वथू पानो खसू व्वन्य क्रिमसुय
बर वॅथ्य छी अचू तति ज्ञानु गरसुय
वछि वॉलिंजि बजि बावनायि लोलो
करू पूजा जगत अम्बायि लोलो

शिव शिवय बोलान वात डेडि तल
आदि दीव तति कासी जन्मुक मल
न्यरमल बन तु नेर सादनायि लोलो
करू पूजा जगत अम्बायि लोलो

फेर अँद्य अँद्य लोलु सान सत् रेशिनुय
सत् रेशिने गिंख आदिकार चुय
सत् गाश नेरि चथ मायायि लोलो
करू पूजा जगत अम्बायि लोलो

कालु बयि निशि रछिवुन्य छि मॉज कालिका
बिहू साथाह मनि मंज दार धारना
बडि क्रख लाय माजि अम्बिकायि लोलो
करू पूजा जगत अम्बायि लोलो

नंदन वन शूबान क्याह छु आंगन
अशि वानि सुत्य तति दियिव श्रूच माज़न
गुल्य गँड्य गँड्य पँरिव त्वतायि लोलो
करू पूज़ा ज़गत अम्बायि लोलो

त्राव पादु तलुची माया ज़ाल
खसू हेरि हेरि ह्यसु सान सूहम बाल
पावि पावे पूरु श्रदायि लोलो
करू पूज़ा ज़गत अम्बायि लोलो

लोलु ज़ालतो हृदयुक रत्नदीप
प्रान आलवय अँद्य अँद्य बेयि दूप दीप
बँरगु बँरगय अर्ग पोश मनु लोलो
करू पूज़ा ज़गत अम्बायि लोलो

अचू अंदर मूच ज़न बिंद आकार
जरू अँछ ज़ु पादन य्वसु छि साक्षातकार
प्रावु आनंद यूग मायायि लोलो
करू पूज़ा ज़गत अम्बायि लोलो

वसू लोत लोत हेरे निशि हॉरी
छस बु गृहस्ती कास्यम स्वय खॉरी
बनि यॉरी तसंजे रायि लोलो
करू पूज़ा ज़गत अम्बायि लोलो

पखर्यबल छुय न्यरमल ज़ल नागस
अमृत क्वंड शूबान मंज़ ललाटस
चो गलि गलि गुरु बावनायि लोलो
करू पूजा ज़गत अम्बायि लोलो

पोशि मति वुछ पोश क्या आयि फवलनस
ही तु मसवल व्यनु ग्वलाब पूज़ि लागस
मॉज शारिका छावुनि द्रायि लोलो
करू पूजा ज़गत अम्बायि लोलो



१२. च्चु माता कासतम मे गम

च्चु माता कासतम मे गम
बु लागय बावु कोसम

च्चु माता क्याज़ि रूठुख
खँटिथ कथ जायि बीठुख
दितम दर्शुन च्चल्यम गम
बु लागय बावु कोसम

छु बोड दरबार चोनुय
वंदस ना वॅंबीलु क्रोनुय
शोलु मारान वेलकम
बु लागय बावु कोसम

बु मा वोतुस च्चे निश ज़ांह
न ज़ानय पाठ पूज़ा
तवय शर्मदुगी मे छम
बु लागय बावु कोसम

दज़ान छुय दूप तु कोफूर
वज़ान छुय साज़ संतूर
नगारन सोज़ मदहम
बु लागय बावु कोसम

ग्वडुन्य कर श्वद मे वॉनी
दोयिम दिम पॉरज़ॉनी
त्रेयुम त्रेयलूकि मंज़ मे छम
बु लागय बावु कोसम

कोरुथ च्वन वीदन चे अंद
छु पुंन्निम परमानंद
शेयिम शेवु रुप बासतम
बु लागय बावु कोसम

सँतिम बासतम सत्य रुप
चल्यम अज्ञानुक कुफ
ति डीशिथ दूर चल्यम यम
बु लागय बावु कोसम

चु अष्टा दशबुज़ा छख
अख बोगा मे शेरख
चे माता क्या गछी कम
बु लागय बावु कोसम

★ ★ ★

१३. जय दुर्गे

द्वरगथ मे हरतम मॉज दुर्गे
जय दुर्गे माता जय दुर्गे

च्यु छख रॉगिन्या, च्यु शारिका
अष्ट लक्ष्मी छख च्यु अम्बिका
सासु बँद्य रूप छख रछान दुर्गे
जय दुर्गे माता जय दुर्गे

गंड छुम कोरमुत मायाये
मोह ज़ालस मंज़ तृष्णाये
मखु सुत्य च्छठतम बेडि दुर्गे
जय दुर्गे माता जय दुर्गे

छस बु अनपड मॉज, छुम नु मे ज्ञान
करु क्या सूंच सूंच छस बु क़ेशान
रुच वथ मे हावतम पानु दुर्गे
जय दुर्गे माता जय दुर्गे

फवलनस मे आमुत बावुक पोश
पोशि मोत ह्यथ छुय मनु पम्पोश
शेरि चानि लागय मॉज दुर्गे
जय दुर्गे माता जय दुर्गे

आसय त्रेय निश मॉज शरन
पान पुशिरोवमय तु प्योसय परन
रछतम पादन तल मॉज दुर्गे
जय दुर्गे माता जय दुर्गे

कन थव मे नादन तु पॅरियादन
सुत्य सुत्य रोज़तम हर सातन
गलि गलि चावतन अमृत दुर्गे
जय दुर्गे माता जय दुर्गे

आलुवय जुव तु जान दूप कने
बावुक संज़ लागय पोशि कने
स्वन मन गिन वथरय मॉज दुर्गे
जय दुर्गे माता जय दुर्गे

हृदयस मंज़ मे रोज़तम सनम्वख
छुम कल्यान सुय बेयि परम स्वख
लगय ना वँद्य वँद्य मॉज दुर्गे
जय दुर्गे माता जय दुर्गे

पाप शाफ कासतम पानु दुर्गे
जय दुर्गे माता जय दुर्गे



१४. सुदामु

सुदामुन्य त्रुय वनान तस सुदामस तो
गछतो अस्तु वनतु बगवानस

मित्र बाव गीनं छुय सुत्य कृष्णस तो
बोजि ना करिहे व्यपदा दूर
असि क्या लजा छा तस मंगुनस तो
गछतो अस्तु वनतु बगवानस

तोरु तँम्य दोपुनस आसि युस पस तो
प्रजुनावि कति तस बोय बंद तु यार
योत गछि तति तस दकु लगुनस तो
गछतो अस्तु वनतु बगवानस

न्यथु नँन्य शुर्य छिम वनु बु कस तो
दरिद्र बाव असि त्राव्या जांह
द्वख वुछ वुछ छिम छ्वख बदनस तो
गछतो अस्तु वनतु बगवानस

छरि अथु किथु पाँठ्य बुथ हावस तो
ती वँनिथ सुदामन अँश दार हॉर
छुम क्या ती निमु तस मित्रस तो
गछतो अस्तु वनतु बगवानस

लेजि मंज कनि नाट लॉजिन पाकस तो
ती वुछिथ शुर्य म्यॉन्य क्या गछन ख्वश
द्यद दियि बतु असि नैदुर पेयि मस तो
गछतो अस्तु वनतु बगवानस

लेजि मंज कोम म्वठ तमि हॉवनस तो
दोपुनस सुदामन गंडु कथ बो
यथ जंदस छम नु वथ गंडुनस तो
गछतो अस्तु वनतु बगवानस

जंदु हरि मंज बाग कोम गौंडुनस तो
ती गँडिथ सुदामन कोड प्रस्थान
दँछिन्य किन्य कन्या जंगि आयस तो
गछतो अस्तु वनतु बगवानस

द्वारिकायि वॉतिथ लोग व्यचारस तो
कवु आस किथु आस छुम गछुन कोर
यारस छुम गछुन सार बावस तो
गछतो अस्तु वनतु बगवानस

द्वारिकायि वॉतिथ गव क्षूबस तो
शेछ म्यॉन्य कुस नियि राजु दरबार
मंदुछान ओसुय वति पकनस तो
गछतो अस्तु वनतु बगवानस

डेडि प्यठ लोग अरु सरु करनस तो
कुस वन्यम कस वनु अँदरिम कथ
मंदुछान ओसुय नोन वनुनस तो
गछतो अस्तु वनतु बगवानस

पतु ब्रोंठ अँद्य पँख्य लोग वुछिनस तो
जॉन्यकार ऑसिथ बन्यव अनजान
चूरि चूरि याद पावनस तो
गछतो अस्तु वनतु बगवानस

डीड्य वॉन्य पृछनि लँग्य तस सुदामस तो
क्या सना ब्रह्मन छु छंडान कस
अर्जर किनि तिम वनुनि लँग्य तस तो
गछतो अस्तु वनतु बगवानस

ब्रह्मनु किथु आख यथ तरफस तो
बासान छु पँक्य पँक्य छुख च् थोकमुत
चारु क्या छुय कर्म फल बूगनस तो
गछतो अस्तु वनतु बगवानस

सुदामा लाचार गव वनुनस तो
फीरिथ वोनुनख छुस बु सुदामु
दर्शनु आमुत छुस मित्रस तो
गछतो अस्तु वनतु बगवानस

कसू दर दिलस तय कसू मित्रस तो
मति गरि द्रामुत छुख च्च अनज़ान
वुनि छय सुल गॅर गरु गछुनस तो
गछतो अस्तु वनतु बगवानस

मित्रस म्यॉनिस श्री कृष्णस तो
दॅप्यतोस आमुत छुय यि बालुयार
ति बूज़िथ डीङ्क्य वॉन्य असनि लॅग्य तस तो
गछतो अस्तु वनतु बगवानस

यि वुछिथ सुदामु आव होशस तो
मनु तारि मित्रस लोयुन नाद
कृष्णस आसन लोग हिलुनस तो
गछतो अस्तु वनतु बगवानस

चोरि पावि अख व्वठ यॅच गॅयि तस तो
पतु द्रायि लारान अष्ट सेदी
डेडि प्यठ यारस मीळ्य दित्यनस तो
गछतो अस्तु वनतु बगवानस

ल्वलि मंज़ ल्वलुविथ लोल बोरुनस तो
वातुनोवुन प्यठ देवान खान
पीताम्बरु सुत्य मल छोलुनस तो
गछतो अस्तु वनतु बगवानस

कृष्णन पृच्छुगॉर यॅन्न वॅरनस तो
शुर्य बॉन्न वनतम वारय छा
ज्ञानान ओस पानु लोगुन बेह्यस तो
गछतो अस्तु वनतु बगवानस

बगवान यॅन्न गव मंज़ हर्शस तो
वनुनि लोग रॉनियन छुम यि बालुयार
रॉनियव बूज़िथ बडि ओसुहस तो
गछतो अस्तु वनतु बगवानस

बगवान वनुनि लोग तस सुदामस तो
दोपुनस सिंदाह क्या ओनुथम
मंदछान सुदामा नोन कडुनस तो
गछतो अस्तु वनतु बगवानस

दबुदब वॅरिथुय कोम कोडुनस तो
जल जल बुसि बुसि कोरुनस ग्रास
रुखमनि कॅह पॅल्य थपि नीनस तो
गछतो अस्तु वनतु बगवानस

कॅह दूह तति रूज़िथ सुदामस तो
गरुबार शुर्य बॉन्न याद पेयि तस
ऑगिन्या हेचुनस गरु गछुनस तो
गछतो अस्तु वनतु बगवानस

गरि युथ द्रामुत ओस नंगु मस तो
द्राव त्युथुय कृष्ण दरबारु मंजु सुय
मंदुछान व्वन्य ओस गरु गछुनस तो
गछतो अस्तु वनतु बगवानस

सुदामा वोतुय मंजु गामस तो
थजि जायि वुछनय मँहलु खानाह
ती वुछिथ सुदामा गव क्षूबस तो
गछतो अस्तु वनतु बगवानस

★ ★ ★

१५. वॅकम्यू नियि प्रॉटिथ

ओस कस रूजिथ अँदरी वॉर
वॅकम्यू नियि प्रॉटिथ म्यॉन्य पनु पॉर
मुरलीदरु सुंद मा छुम यि खॉर
वॅकम्यू नियि प्रॉटिथ म्यॉन्य पनु पॉर

थोकमुत सुदामा गरु येलि आव
नेत्रव त्रुवुन अशि दॅरियाव
येति कुस राज़ाह रोज़ान गॉर
वॅकम्यू नियि प्रॉटिथ म्यॉन्य पनु पॉर

कति छुम गरुबार योत कोत आस
फाकय वालिंजि गोम तलवास
गॉमुन्न कोत म्यॉन्य तुलसी वॉर
वॅकम्यू नियि प्रॉटिथ म्यॉन्य पनु पॉर

आयि कति येति यिम गुल तु गुलज़ार
पॉदु कति गॅयि यिम म्वख्तु फमवार
रंगु मंदोर्यन लॅज ना तॉर
वॅकम्यू नियि प्रॉटिथ म्यॉन्य पनु पॉर

आयि कति येति यिम दास दॉसी
शुर्य म्यॉन्य मा गॅयि वन वॉसी
मायि हॅन्न बॉर्या द्रायम ना मे सॉर
वॅकम्यू नियि प्रॉटिथ म्यॉन्य पनु पॉर

कोत गॉम मॉसूम स्वंदर पोश
लोल आम वुछिहँख रोवुम होश
मूरान गुल्य ओस गिंटान दॉर
वॅम्यू नियि प्रॉटिथ म्यॉन्य पनु पॉर

यि वुछिथ सुदामा गव परेशान
वेखच्चय माया ओस डेशान
द्रायस सुशीला बुधि वन हॉर
वॅम्यू नियि प्रॉटिथ म्यॉन्य पनु पॉर

ओस कस रूजिथ अँदरी वॉर
वॅम्यू नियि प्रॉटिथ म्यॉन्य पनु पॉर
मुरलीदरु सुंद मा छुम यि खॉर
वॅम्यू नियि प्रॉटिथ म्यॉन्य पनु पॉर



१६. जगत अम्बा

जगत अम्बा तुलमुलि रोजान
बोजान छख म्यॉन्य जार
सनु गोम जिगरस, ज्ञेय रोस बु वनु कस
पानय छख च्च औतार

गरु गरु करान केह नय सोरमय
कोरमय मे वॉरान पान
हर हर त्रॉविथ गरु गरु मे रूदुम
कॉच्चाह द्रायस अनजान
सर कर यि समसार सोर नय छु नेरान
यि छु तावुनुन बाजार
जगत अम्बा तुलमुलि रोजान
बोजान छख म्यॉन्य जार

आवलुनिसुय मंज ग्वतु छस बु मारान
लोबुमय नु मे कुनि तार
क्या करु व्वन्य किथु अपोर लगि तार
गॉमुच्च छस बु लाचार
आरु हँच्च चॉनिस बरस तल बु गिरान
केछा यीतनय ज्ञे आर
जगत अम्बा तुलमुलि रोजान
बोजान छख म्यॉन्य जार

दूह तय राथ गोम सारान तु सौबुरान
अपजुय करान व्यवहार
अँन्य अँन्य तु ज़ीन्य ज़ीन्य तमनाह मे द्रामय
पतु थोवनम शाहमार
शुर्य बाँच बाँय बंद, यि छु अपजिकुय फंद
मतलबु कुय छु बापार
जगत अम्बा तुलमुलि रोज़ान
बोज़ान छख म्यॉन्य ज़ार

योत यिथ ज़न्मस कृत्याह कॅरिम कार
कृत्याह बनाँविम यार
मारु बु कॅरनस येम्य सम्सारन
पतु वथ मे थँवनम लार
अंतु समयस प्यठ कॅम्यसंज मे छम सथ
कांह नय यिवान दरकार
जगत अम्बा तुलमुलि रोज़ान
बोज़ान छख म्यॉन्य ज़ार

दकु ज़द बु पेमुन्न थोद मे ति तुलतम
सोरान आम ल्वकुचार
बुजिरस बु करु क्याह ल्वकुचार चॅलिथ गोम
मंज वति कॅरनस खार
आशा मे चॉन्य छम च़ुय व्वन्य रछतम
करतम योहय व्वपकार
जगत अम्बा तुलमुलि रोज़ान
बोज़ान छख म्यॉन्य ज़ार

ब्रह्मा विष्णु दीवी तु दिवता
शंकर तु गनपथ कुमार
दसबस्तु चॉनिस होकुमस छि गिरान
क्याह करु मॉज इज़हार
शक्ती चय थॅज़ बक्ती दिवान
दिवान बवसरु तार
ज़गत अम्बा तुलमुलि रोज़ान
बोज़ान छख म्यॉन्य ज़ार

सत् ज़न सॉरी सॅनियास दॉरिथ
चॉनी छि बखुरदार
पादन चान्यन कलु दॉर्य दॉरी
त्रेय कुन करान ज़ारुपार
बॅखृत्य आमृत्य सेदि बुथि दितु तार
आमृत्य छिय व्वमेदवार
ज़गत अम्बा तुलमुलि रोज़ान
बोज़ान छख म्यॉन्य ज़ार

★ ★ ★

१७. बालि छुमय रुमु रुमय

बालि छुमय रुमु रुमय
मे हा यारु चोन तमन्ना
बालि छुमय रुमु रुमय

व्वगु किन्थ मे ड्यूठुम हय
च्वगु लॉगिथ आंगन हय च्नाव
रोगि रोगि च्चोलुम हय
मे हा यारु चोन तमन्ना
बालि छुमय रुमु रुमय

पशि किन्थ मे ड्यूठुम हय
फ्यरन लॉगिथ आंगन हय च्नाव
बोश क्याह मे रोटुनमय
मे हा यारु चोन तमन्ना
बालि छुमय रुमु रुमय

कॉनी किन्थ मे ड्यूठुम हय
वोन्य लॉगिथ आंगन हय च्नाव
दानि दानि बु गॉजिनसय
मे हा यारु चोन तमन्ना
बालि छुमय रुमु रुमय

दारि किन्य मे ड्यूटुम हय
कारि व्वगुन जानावार
हारि तोतु रूतुम हय
मे हा यारु चोन तमन्ना
बालि छुमय रुमु रुमय

द्वसि किन्य मे ड्यूटुम हय
तोसु लॉगिथ आंगन च्चाव
गोसु क्याह मे रोटुनमय
मे हा यारु चोन तमन्ना
बालि छुमय रुमु रुमय



१८. प्रबात आव पोशि नूलो

प्रबात आव पोशि नूलो वन
स्वंदर वॉनी प्रसंद करू मन

हतो ज़ीवो प्यतो पायस
गोमुत छुख च़ नैदरि अज्ञानस
यि आलुछ छुय यिमन जंदन
स्वंदर वॉनी प्रसंद करू मन

नैदर मो त्राव यिथिस वख्तस
सत्या युग ब्यूठमुत तख्तस
यि मंगुन छुय ति मंग वुन्यक्यन
स्वंदर वॉनी प्रसंद करू मन

परान दीव दीव-लूकन मंज़
करान लीला यिमन ...
यिथी नय पछ दि कन वुन्यक्यन
स्वंदर वॉनी प्रसंद करू मन

त्रेतायुग द्वापरय कलियुग
तिहुंद सॉमी छु सत्यायुग
तैमिस निश फल बन्यम वुन्यक्यन
स्वंदर वॉनी प्रसंद करू मन

पवन सुमरन छु गरि द्रामुत
द्वहस ओसुस नु अथि आमुत
तवय द्राव सुलि रटन वुन्यक्यन
स्वंदर वॉनी प्रसंद करू मन

मंगान युस यी, दिवान तस ती
तौमिस सुत्य आसवुन शिव जी
ग्वडुन्य बोज्ञान त्वता बखत्यन
स्वंदर वॉनी प्रसंद करू मन

मुख युस आसि खेयि जादु हन
नैदुरि मंज पेयि पोशाह ह्यु ज़न
सु किथु पॉठ्य व्वथि प्रबात समयन
स्वंदर वॉनी प्रसंद करू मन

छु बुलबुल बोलि मंज दिथ ताल
ज़पान गोविंद तु हे गोपाल
दपान दीवन छु वुज़नावन
स्वंदर वॉनी प्रसंद करू मन

वज़ान सेतार मुरली नय
ज़पान शिव शिव शम्बू जय
यि वॉनी छय वनान दीवु ग्वन
स्वंदर वॉनी प्रसंद करू मन

सॅमिथ लॅग्य करनि गूव्यंद गू
कुकिल लॅज करनि ही शम्बू
मे ब्रॉटु कनि बूल पोशि नूलन
स्वंदर वॉनी प्रसंद करू मन

ग्यवान कोस्तूर छि बागन मंज
परान लीला करुनि लॅग्य संज
परान श्री राम रघुनंदन
स्वंदर वॉनी प्रसंद करू मन

नैदुर मो त्राव गछू हुशियार
बनख दर्मुचि सबायि म्वखतार
करख रुत बोग मंज स्वरगन
स्वंदर वॉनी प्रसंद करू मन

सोपुनस मंज बन्योव राजाह
छि लक्ष्मी दायि इस्तादाह
हुशार येलि गव बन्योव न्यर्दन
स्वंदर वॉनी प्रसंद करू मन

फवलुनि लजि व्वन्य संगरमालय
जगत प्रजलान छु कमि हालय
यि सोन मंदर छु क्याह ज़ोतन
स्वंदर वॉनी प्रसंद करू मन

नेंदर युस त्रावि यथ वख्तास
दियस आराम तु बेयि मोह मस
तॅमिस कति रोज़ि ज़न्मन छ्यन
स्वंदर वॉनी प्रसंद करू मन

करिय युस नेंदरि वुन्यक्यन नाश
अँछव वुछि आत्म सिरि किंश
बन्यस अदु साद सम्बंदन
स्वंदर वॉनी प्रसंद करू मन

प्रबात आव पोशि नूलो वन
स्वंदर वॉनी प्रसंद करू मन



१९. अज़ हय यियि शंकर

अज़ हय यियि शंकर साक्षातकार
गौरी शंकर सुय नमसकार

सूर मोत गोसोन्या नंगु बाबा
सुह मुसलाह वॅलिथ जेति गंगा
हटि छुस वासुक डेकि छुस गवार
गौरी शंकर सुय नमसकार

शिवरात्री हुंद अज़ छु व्वपवास
शिव शक्ती हुंद अज़ छु अथुवास
करुहोस पूजा बारम्बार
गौरी शंकर सुय नमसकार

वॅपु तनि शूबान गायत्री नॉल्य
त्रि नेत्र दारवुन, कनन कनु वॉल्य
ओमकार रुपु छुस डखु शाहमार
गौरी शंकर सुय नमसकार

दीवी तु दिवता छि रास खेलान
सरस्वती छि पानय वीद वखनान
ब्रह्मन परान छिस महिम्नापार
गौरी शंकर सुय नमसकार

बगवानु मे ति दितु पानु दर्शुन
लोलु सान करुहॉ पोशि वरुशुन
कीवल हरीहर छु बारम्बार
गौरी शंकरु सुय नमसकार

★ ★ ★

२०.चित्रगुप्त दर्म राजु छुय नमसकार

चित्रगुप्त दर्म राजु छुय नमसकार
अंतु समयस प्यठ दिज्यम शेहजार

चिठ्य ह्यथ येलि हो नेर्यम काल
मन म्योन थँविज्यन स्यठाह ख्वशहाल
न सूजिज्यम रूग कांह, न थँविज्यम ब्यमार
अंतु समयस प्यठ दिज्यम शेहजार

कंठस प्यठ येलि वातुनम गिन
मन म्योन थँविज्यन स्यठाह सविदान
बु परय गीता तु राम औतार
अंतु समयस प्यठ दिज्यम शेहजार

मोर रोजि येत्य तय नेर्यम रूह
साँरी परनम शेव शम्बू
श्रान दिथ परनम महिम्नापार
अंतु समयस प्यठ दिज्यम शेहजार

यि छु सम्साराह अपजुय छल
येलि वातुनावनम शुमशानबल
चोरि अंदु गंडुनम पनुन्य टाँठ्य नार
अंतु समयस प्यठ दिज्यम शेहजार

सुत्य सुत्य पकुनम यिमय यमदूथ
मे दिज्यम पनुनी ज्ञानुक बूथ
वैतार नॅदी दिज्यम सेदि बुथि तार
अंतु समयस प्यठ दिज्यम शेहजार

व्वलो यॅद्राजो गायन बोज
छुम वजान अँदरी लोलुक सोज
इंद्र पदवी प्यठ छु चोन दरबार
अंतु समयस प्यठ दिज्यम शेहजार

शंकर जी छम मे चॉनी आश
क्या खबर कति डोलि म्यॉनी लाश
जान पनुन बु वंदय छस गमखार
अंतु समयस प्यठ दिज्यम शेहजार

★ ★ ★

२१. सुमरन पनुन्य दिन्नॉनम

सुमरन पनुन्य दिन्नॉनम, लोलुक निशानु वेसिये
रँछरुन तोगुम नु रोवुम, ओसुम नु बानु वेसिये

पथ कालि छुम नु द्युतुमुत, स्वन म्वख्तु दान वेसिये
अँन्य सारि क्याह लबख व्वन्य, तिम म्वख्तु दानु वेसिये

वॉलिंजि मंज़ थवुन गोछ, हावुन थोवुम अथस प्यठ
राह कस छु कोर मे पानस, न्वखसान पानु वेसिये

हावुन छू रावुरावुन, छावुक समर छु खॉमी
थावान छि छावु बापथ, बानन ति ठानु वेसिये

यनु सुय निशानु रोवुम, तनु मँन्न गँमुन्न तु फलुवा
न्युन ह्योन नु कँह ति फेरान छस वानु वानु वेसिये

यछ पछ मु हार, ब्याखा ह्यथ यूर्य वाति कांछा
तस छा वँमी निशानन, बँर्य बँर्य खज़ानु वेसिये

डोलान कोहन वनन मंज़, शोलान छि गुलशनन मंज़
ज़ोतान छि तारकन मंज़, काँत्याह निशानु वेसिये

व्यसुरिथ, डँलिथ, पथर प्यथ, बुथ क्याह दिमय तँमिस निश
पथ फेरनुक्य पकान छा, यिथ्य हिव्य बहानु वेसिये

मानव जि अँस्य ह्यमव पथ, सोर्या तसुंद मोहबथ
पयवंद यि आदनुक छा शुर्य दोस्तानु वेसिये

दिल फुट्यमुत्यन सु तोशन, यँन्न गँर्यमुत्यन छु रोशन
गछ वँर्यमुत्यन स्वदामन, पृछ गँयिबानु वेसिये

अँद्य पँख्य तँती छु आसन, ब्वदु ब्रोर सूरदासुन
बोजान छु माय लॉगिथ लोलुक्य तरानु वेसिये

★ ★ ★

२२. अँछ दरु लजम

अँछ दरु लजम बरस तल
आलव च़ु बोज़ मॉजी
मुन्नराव तॉर्य बरन्यन
औतार च़ु दार मॉजी

छख च़ुय अखंड च़राच़र
सथ च़्यथ सखा परापर
ग्वनमथ ग्यवान छि दूह राथ
चॉनी तरानु मॉजी

ऑदीन च़े छिय गँडिथ गुल्य
दस बस्तु सिरिं च़ंद्रम
गटि नाश गछान छु बखत्यन
सतुके किंशु मॉजी

च़ुय छख दूखन तु दाद्यन
दरदिल वुछान बखत्यन
कोताह मे आव बँन्य बँन्य
किथु छख ज़रान च़ु मॉजी

यस नम रटख च़ु नावे
पर्मय गती सु गिंवे
छख यीरु गॉमुत्यन च़ुय
तारान पानु मॉजी

च्यथु गुर दवान मे हरदम
विशयन तु बोगुनुय पथ
दोगुनुय मे वोन ओगुन
वर दिथ च्चु पानु माँजी

ख्वटि कर्मु रुपु क्रमनुय
बवुसरु बु बंद वॅरनस
रछतम च्चु वारु रछतम
दुरदानु पानु माँजी

छखय पर्वत किंती किन्त्य
पूरन करान च्चु कारन
व्यवहार चलान छु ज़गतुक
ऑगिन्यायि चानि माँजी

सम्रथ छे कस तु वनि कुस
अनि ज़्यव तु वखनि ग्वन कुस
कनुनुय मे करतु शब्दाह
वनवुन च्चु पानु माँजी

वोव क्याह मे माँज अज़ तान्य
लोनु क्याह बु छस परेशान
यि तु अज़ मे करतु कर्मस
नज़राह च्चु पानु माँजी

पज़ी बु गोमतुय बंद
त्रेश्नायि मोह ज़ालस
लोग ना मे बेडि चौरिथ
म्वकृजार दितम मे मॉजी

पोशिमोत दिवान फ्युर अज़
मनि मंज़ यिमन खयालन
तलय यि तु बोज़ पानय
शुर्य दास्तान मॉजी

अँछ दर लजम बरस तल
आलव च़ु बोज़ मॉजी



२३. शर हय जिगरस सोरुय द्रामय

नव दुर्गा सुत्य छुम रामय
शर हय जिगरस सोरुय द्रामय
सास सिरि तीज बर चामय
शर हय जिगरस सोरुय द्रामय

शीत स्वंदर म्वख छुस शूबान
शेलपुत्री गदि प्यठ छि सनिदान
मावस गॅयि ओकदूह आमय
शर हय जिगरस सोरुय द्रामय

दुय तु दूगुन्यार सोरुय कॅसिथ
ब्रह्मचरि ब्रह्मन जन्म दॅरिथ
गटु चॅज तय गाश नोन द्रामय
शर हय जिगरस सोरुय द्रामय

स्वख तु आनंद अमृत चॅविथ
चॅद्र गंटा गंटायि वॅयिथ
स्वखु म्वखु सुय प्वख्तु करि खामय
शर हय जिगरस सोरुय द्रामय

लक्ष्मी मातायि सुत्य यियि रामय
पूजा करस बु सुबह शामय
पॅत्यमि गरि रोजि सुत्य सुत्य मे पानय
शर हय जिगरस सोरुय द्रामय

★ ★ ★

२४. संतुष्ट रोज़तम

संतुष्ट रोज़तम गरि गरे
कश्ट कासतम बगवान हरे

ब्रमुचे वुनरे ब्रँमुरोवुस
मुह छटि अनिगटि वति रोवुस
त्रेय रोस्त अथु रोट कुस मे करे
कश्ट कासतम बगवान हरे

बवुसरु क्रुमनुय रँटचनम खोर
यिम ज़ोर लॉगिथ बु गोस कमज़ोर
बांबरि लोगुसो छांबरे
कश्ट कासतम बगवान हरे

वयक्वंठु प्यठु यितु ननुवोरुय
गर्डस खँसिथ त्रॉविथ सवॉरिय
हरिना कश्यप अदु म्दु वुतरे
कश्ट कासतम बगवान हरे

संकटु मंज़ु तस हिंलादस
कन थोवथस अर्चर नादस
म्बकलोवथन संकटुनि थरे
कश्ट कासतम बगवान हरे

★ ★ ★

२५. माँज वनतय पाया म्योन

दौंघ बावय थवख ना कन तय
माँज वनतय पाया म्योन
कूर ज़ायस दिच्चमय सन तय
माँज वनतय पाया म्योन

कोर मशवरु ममीयन तु डैडीयन
बँड कूर छनु गरि शूबान
ह्यँन्न फिकिराह डैडी जीयन तय
माँज वनतय पाया म्योन

डोलि मंज़ येलि नीहस वॉर्युव
फिकिरि तोरुम वॉरिवि छस
स्योद वुछनस छस मंदुछान तय
माँज वनतय पाया म्योन

हश आयम मँत्यमुर तुलने
योरु दिच्चमस पास स्वनु वॉज
वॉज नय छस दून हारन तय
माँज वनतय पाया म्योन

ज़नि च्वपॉर्य आयम वुछने
कालु सँर्पिनि आयम बुछने
थख नय कोरुख फिसरायन तय
माँज वनतय पाया म्योन

अख ऑस वनान वुछी ज़ोजि हुंज़ ताल
दज़दार नय छुस ज़ोजि हुंद ज़ाल
तालु च़ोक नय आनन च़्वन तय
मॉज वनतय पाया म्योन

गरथ नय छुस जान डेजिहॉरिस
वस वॅम्य सना स्वनुरन गॅर्यनस
म्वख्तु नय छुस अटुहार्यन तय
मॉज वनतय पाया म्योन

माजि पोत्रव येलि वुछ सतराथ
अथि आयख नु अमि मंज़ु पॅहराथ
तूर्य सोज़ोख शिकस लदन तय
मॉज वनतय पाया म्योन

हेरच़ु बॉगिस प्यठ छम फूंकान
मॅन्न गाव ज़न आयम ठूंकान
बॉगुरावु क्या ऑशुनावन तय
मॉज वनतय पाया म्योन

हश ऑसुम बुडिथुय प्यामुच़
च़तजीह दूह गासु मंज़ु द्रामुच़
च़्वचि वाच़स आनन च़्वन तय
मॉज वनतय पाया म्योन

★ ★ ★

२६. ग्वडन्य गनपत जीयस कुन कर नमसकार

ग्वडन्य गनपत जीयस कुन कर नमसकार
पतय रठ राजि रेनि हुंद खास दरबार

वॅनिथ क्याह ह्यकु बु माता चॉन्य लीला
करय व्वन्य मूर्खगी किनु मूर्खु खेला

चु माता शारिका संतुष्ट मे प्यठ रोज़
गदा आमुन्न बु दर गाह छस सदा बोज़

वॅहरिथ ज़ाल समसारन वोलुम नाल
करुम व्वन्य चारु नतु क्याह म्योन छुय हाल

मदन लूबन मूहन ह्योतुमुत छुनस तल
यिमन च्वन मुश्किलन माता करुम हल

बु दर्शनस छस नु वातान न्यथ बु अँनी
क्षमा पापन चु करतम मॉज बवॉनी

क्वठ्यन शक्ती अँछन थवतम पनुन गाश
दरी दुनिया फकत चॉनी मे छम आश

मे मूरखस गछ्तु बूज़िथ मॉज बवॉनी
सिवाये चानि वनु कस, कुस छु म्योनुय

दिलुक तमत्रा मे कडतम छस बु चॉन्य दास
रक्षा करतम पद्यन चान्यन तलय आस

कर्म फलु किन्य अगर केंछा मे छिम पाफ
क्षमा सागर च्चु येमि किन्य छख करख माफ

कलम तुल पानु लेख म्यॉन्य कर्म लीखा
करुम स्येज्ज कांह अगर हँज छम मे रेखा

कृपा सागर जगत माता छु चोन नाव
शरन आसय पद्यन पनुन्यन तलय थाव

सिवाये चानि छुम नय कांह रछन वोल
च्चु माता म्यॉन्य छख नय मॉज तय मोल

बजव अश्टादशव सुत्य कर मे रखिपाल
च्चु येमि किन्य आसवुन्य छख दीन दयाल

च्चे रोस्तुय कस बु वनु कुस बोझि म्योनुय
बु छस ना नाबुकार संतान चॉनिय

यि अख मँहशूर कथ प्रथ कांह छु ज्ञानान
क्व-पोतुर छुय क्व-माता छय नु आसान

मंगुन छुम नय तगान बोजुन तगान छुय
ज्यवुवुन शुर माजि यिथु पॉठ्य दूद मंगान छुय

दिलस यँच्चकोल अमिकुय छुय मे हावस
दितम दर्शुन लगय पॉर्य पॉर्य बु नावस

बु चान्यन पादि कमलन रथ वंदय ना
लगय ना चानि मायाये लगय ना

लगय ना बजि दयाये च़ेय लगय ना
यिमन पम्पोशि नेत्रन च़ेय लगय ना

मुकुट दॉरी स्वंदर शेरस लगय ना
यि केंछा छुम मे चोनुय छुम वंदय ना

च़ु छख ना राजि रेन्य राजन दिवान राज
अतीत आमुत बु छुस दिम ज्ञानकुय ताज

गछान दिथ छख अँमीरस चुय अँमीरी
दरे दुनियाह मे करतम दस्तगीरी

च़े निशि शाहो गदा प्रथ कांह बराबर
मे पादन तल कृपाये पनुनि अथु वर

बु ज़ॉरी छस करान च़ेय दस्तु बस्तय
करय अर्पन जिगर ज़न पोशि दस्तय

दोयुम ब्याखा च़े हू छुम नु कांह ति दाता
मे हर कुस्मय मदथ कर म्यानि माता

गँडिथ गुल्य छुस करान च़े ज़ारु पारय
पँतिमि वख्तय मतय करतम आवारय

परेशॉनी यि म्यॉनी करतु व्वन्य दूर
यछाये दिल वँरिथ गछ़तम च़ु मंज़ूर

च़ु छख म्यॉन्य इश्ट दीवी कश्ट कासतम
सदा संतुश्ट रूज़िथ मनि बासतम

वनान सॉरी छि चाने जायि स्यदु पीठ
स्यदथ करतम मे म्वकलॉविथ गछुम कीठ

मूर्ख-बोज़ु किन्य न छम शक्ती न बक्ती
दयालू छख गछुम बखचिथ मे मुक्ती

बु छस औरुत बनेमुच़ आरवल ज़न
ग्वचर च़लिहेम बेहेम ऑयीनु ह्यु मन

अगर रछिहँम पद्यन तल कुस मे पोशम
तवय किन्य चानि बक्ती ज़ांह नु पोय़म

कोबूल गछ़तम वँरिथ व्वन्य म्यॉन्य ज़ॉरी
वंदय रथ पादि कमलन मॉज च़वपॉरी

यि लीला परि युस सुबहन तु शामन
तँमिस माता सफल करि मनि कामन

दपान दासस छि चॉनिस टॉठ बक्ती
ब-दुनिया स्वख, यखबार दिम मे मुक्ती



२७. कूत तुलु व्वन्य अज़ाब मॉजी

बखुच अगर छिम खता मे खँत्यमुत्य
बु कूत तुलु व्वन्य अज़ाब मॉजी

हज़र मे ज़न्मुक मज़र मे आमुत
तज़र मे संतापुकुय छु द्रामुत
शरन हय आसय बु चानि डेडि तल
मे हावतु रुत ह्यू शबाब मॉजी

वँनिथ बु ह्यकु क्याह च़ु ज़ानवुन्य छख
मे ज़्यव गँयम वँज, अँशिस मे दार लँज
वनुन तगान कँह मे मॉज छुम नय
मतय च़ु करतम जवाब मॉजी

करुम च़ु मुरवत, बन्यम मे शफकत
दया करुन्य मॉज च़े निशि छि क्या कथ
दया दृश्टी करुम च़ु मॉजी
छे चानि अँछ ज़न ग्वलाब मॉजी

दितम मे शाँती, यि छुम अमार अख
च़ु मॉज म्यॉन्य छख, मंगुन छु म्योन हख
दितम च़ु मिज़राब मे तारनुय व्वन्य
वज़्यम मे मनकुय रबाब मॉजी

करय बु वरनन चॉन्य ग्वन क्याह
वॅनिथ हेकी कुस च़ु मॉज छख क्याह
फकत स्यज़र बेयि पज़र मंगान छस
छि वीद अति ला जवाब मॉजी

च़ु बेद दृश्टी मे मॉज हरतम
दया सागर्य दया मे करतम
च़ु काम क्रूद लूब मे मॉज हरतम
च़टुम च़ु अमिचे तनाब मॉजी

मे पोशिनय मंज़ सु पोश ड्यूटुम
प्रबाव शीतल अम्युक मे ब्यूटुम
अमिय पोशुक छुम मे सायाह
हुरिन मे हर विज़ि हुबाब मॉजी



२८. चानि डेडि तल बु आस

चानि डेडि तल बु आस येछि पछि माँजी
यिनय त्रावुहम बु हय गछय लछि माँजी

नय ज्ञानय पाठ तय बेयि पूजा
नय ज़ोनुम अंगिन्यास बेयि संद्या
चोन द्याना गँडिथ छुम मछि माँजी
यिनय त्रावुहम बु हय गछय लछि माँजी

यंथुर तय मंथुर क्या मे करनम
नेशिब्वद छुस डंडवत छुय मे सर खम
चोन नावाह खँनिथ छुम वछि माँजी
यिनय त्रावुहम बु हय गछय लछि माँजी

चेय रोस्त माँज खोचान छुस क्षन क्षन
मोह गटि मंज़ छारान गोस पन पन
निशि रोज़तम तु बेयि क्याह मे गछि माँजी
यिनय त्रावुहम बु हय गछय लछि माँजी

होल गोम माँज सीनु व्वन्य मे आव फटुनस
म्वख हावतम स्वखुसान नादानस
लोलु ख्यावथ किशमिश दूछि माँजी
यिनय त्रावुहम बु हय गछय लछि माँजी

मतु त्रावतम हावतम पनुन शबाब
कथ बोज़तम तु वुछतम लोलुक हुबाब
अख अनुग्रह मे आगरुक गछि मॉजी
यिनय त्रावुहम बु हय गछय लछि मॉजी

रंगु रंगु पोश लागय शेरि चाने
ही तु मसवल व्यनु ग्वलाब वेरि चाने
पोशि मोत हय आव येछि तय पछि मॉजी
यिनय त्रावुहम बु हय गछय लछि मॉजी



२९. चोन बजराह

चोन बजराह छु बडि बोड, मय कर चेर
अँस्य छि माता साँरी हलम दार्य दार्य
असि छु हाजथ विज़ि विज़ि असि कुन फेर
अँस्य छि माता साँरी हलम दार्य दार्य

दूरि प्यठु माँज आमृत्य अँस्य छि लारान
मायि चाने डेडि तल अँस्य छि गिरान
नेरतय न्यबर जल जल मुन्नराव तार्य
अँस्य छि माता साँरी हलम दार्य दार्य

बेकस तय बेबस अँस्य छि लाचार
कैह नय संचिथ चंदु छैन्य अँस्य छि लाचार
सर्व बोग तु आनंद असि कर जार्य
अँस्य छि माता साँरी हलम दार्य दार्य

ड्यकु लान्यन सान्यन त्राव नज़राह
अज़ लेखतय पनुनि अथु कर्मलीखा
स्यज़राह तय पज़राह दितु मे अनवार्य
अँस्य छि माता साँरी हलम दार्य दार्य

दर्मुच तय कर्मुच छनु असि ज्ञान
अँछ वछु तय गाशु रोस्त छनु पार्यज्ञान
आयि सोरान नोन हाव म्वख वन हार्य
अँस्य छि माता साँरी हलम दार्य दार्य

जन्म जन्मन ग्यूर आव असि फेरान
यी वौव तय ती मॉज अँस्य छि लोनान
छख च्चु माता अटि वाल कूठ व्वलुबोर
अँस्य छि माता साँरी हलम दॉर्य दॉर्य

छुमय तमन्ना वुछिहँथ साक्षातकार
परिपूर्ण सनम्वख बीज़ ओमकार
पूज करुहँय पादन, सिहम सर्वॉर्य
अँस्य छि माता साँरी हलम दॉर्य दॉर्य

पोशि मोत छुय लूकु बवन डेडि चानि तल
मंडली ह्यथ पूज़ान छुय च्चे निश्कल
छख च्चु माता पादन लगय पॉर्य पॉर्य
अँस्य छि माता साँरी हलम दॉर्य दॉर्य

★ ★ ★

३०. हॉरिये थावख ना कन तु लोलो

हॉरिये थावख ना कन तु लोलो
ज़ार म्यॉन्य तोतस वन तु लोलो

मदनस वनतसे अनतसे आर
वदनस छुम नु ज़ाह छ्यन तु लोलो

बॉलिये वनतसे कॉल्य् राव्यम
वॉल्य् कन ज़ॉल्य् छा स्वन तु लोलो

बादाम चेश्मु यनु मुज़राव्यन
तनु छुम मँज़रावन तु लोलो

जुल्फु छस जीम तय मीम दहान
सीमाब ख्वय सीम तन तु लोलो

सनु मे कोरनम कामु दीवन
स्वनु छम पामु दिवन तु लोलो

हियि कोरनम क्वंगु पोशुक रंग
योस्मन गँयम सोसन तु लोलो

हारुने तापय गॉजनस बो
दॉन्य दान्य् शीनु मॉन्य ज़न तु लोलो

आलम गेलि तु क्याह छु परवा
मेलि येलि सोदा वोन तु लोलो

बरुसय द्यन सँन्यास्यन सुत्प
करुसय तौवीज़ु पन तु लौलो

अँशकुने आवरेनि मंज़ छु पोंपुर
नारु पान वारु ज़ालन तु लोलो

डूरि तय वेरनागु हेमुसय ज़ाग
रोसुल मीर तँत्प छु आसन तु लोलो



३१. माँज शारिकॉय गोश थवतम

माँज शारिकॉय गोश थवतम पॅरियादन तय
चरनन बु वंदय जुव जान ह्यथ वॉलिंज वस तय

नेश ब्वद बालुक छुस बु आमुत बरस तल तय
मोह गटि वोलमुत, वति डोलमुत छुस बेकस तय

चावतम मे माता ज्ञान रूपी मयखानु मस तय
येमिके च्यनु सुत्य ज्ञान बनिहेम नादानस तय

मायायि वोलुनस यीरु छुनुनस मंज सँदरस तय
बास्योम यि फर्शाह मखमल ह्यू ओस तलु ज्युस तय

मीठ्य मीठ्य चारान गोम यावुन लोगुस दरु तय
करतु मे अनुग्रह नम रठतम खारतम बोठ तय

वालु वाशि लोगमुत पॉजा छुस जंजालस तय
मोल माँज शुर्य बाँच दन द्यार बेयि बंद बांदव तय

येमि विजि त्रावनम हरदुचि मूरि थरु वथिहेम तय
तमि विजि माता डोख चोन छुम अख अथुरोट तय

महामाया मूर्ख बावु किन्य शरन छुस तय
बख्ते बावु किन्य लोल चरनन तल वरतम तय

ऑरलतलस डे दलतड सतु वुतुरर डैडल शड दड तड
गुरु रूडु रूऑततड हुदडस डंऑ हर सलतन तड

नुतुनूनुन ऑस डऑऑ थर थरु ऑड ललवे डूरे
ऑऑऑर डे ऑलडुत डरु गूडुत डूसुड गल तड

ऑररन ऑडडूरुड डलगवलनस डंऑ गूशस तड
गूसु डे तुरलवतड रूत हू सग डलवुक डस तड

डूठुतु हड डु दलडुहूड डऑऑ ऑलनुतन लूलु डलदन तड
डडुडुशल नैतुरन डरड डदु कुतन शुरुवलनल डलदन तड

नैथुर डु आलुवड डुवलनल वंदड लूलु नलवस तड
डूरुड डूरुड लगुहूड ऑलन वंदुहूड सुवडलवस तड

तुलडुलुतु नलगस नुतुथ वलतलन डुरकुडस तड
डऑऑलडल डुशन डुशल डंतलसुड डूडुडुर डन तड

डऑऑ शलरलकूड गूश थवतड डूरलरलडलदन तड
ऑरनन डु वंदड ऑुव ऑलन हडथ वूलललऑ वस तड



३२. स्वख तु सम्पदा

स्वख तु सम्पदा दाद्यन दवा
मॉज बॉगरान वुन्यक्यनस
दाद्यन दवा, रूगन शफा
मॉज बॉगरान वुन्यक्यनस

तस क्या छु गम यस च्चु आसख
सपदुनस मुश्किलन हल
यीरु गॉमुत्यन बवु सागरस
मॉज तारान वुन्यक्यनस

पूर्व पछिमु क्यन, दक्षनु व्वतरु क्यन
मॉज रछिवुन्य छि पानय
असवुनि म्वखु खसवुन्य सुहस
मॉज फेरान वुन्यक्यनस

गुल्य गँडिथ छिय आमुत्य गदा
लायान डेडि तल सदा
ज्ञानुक्य तॉर्य पनुन्यव अथव
मॉज मुच्चरान वुन्यक्यनस

सासु बज़ु नरि य्वसु छि दारवुन्य
रछिवुन्य छय स्व दासन
क्षनु क्षनु म्यानि कर्मुक्य न्याय
मॉज अँज़रान वुन्यक्यनस

यस करान छख पर्द पूशी
वुछि कति सुय सख्ती
शर्नागतन वर्नि दामान
माँज त्रावान वुन्यक्यनस

आसवुन्य छख च्चु ज्ञानु रूपी
मूक्ष दाता ईशरी
त्रेशि हतिनुय यूग अमृत
माँज चावान वुन्यक्यनस

शूलु सुत्यन, खडकु सुत्यन
माँज रछिवुन्य छि पानय
ज़ार म्यॉनी पनुन्यव कनव
माँज बोज़ान वुन्यक्यनस

वारि वारे साँरी यिवान
द्वख तु दाँद्य छिय बावान
सर हय त्रावय तल पादन
माँज टोठतम वुन्यक्यनस

रंगु रंगु माँज तंग आसय
अज़ हय बास्योम डोख चोन
पान पुशरिथ च़ेय अरपन
माँज गँज़रान वुन्यक्यनस

कर्मची वदल, जन्मची इहान
विज़ि विज़ि करान नीम जाम
साकिया मोय फिर मे प्यालन
माँज चाव्यम वुन्यक्यनस

कोमल पोश ह्यथ छि आमृत्य
अज़ हय ऑठम दूह योर
पोशि मोत हय तिम च़ॉर्य च़ॉर्य
शेरि लागी वुन्यक्यनस

★ ★ ★

३३. जान वंदुयो यारि जानानय

बब माल्युन येलि छु आसानो
खानुमाजर तेलि छु बासानो
बबु म्यान्यो ज़िंदु रोज़ू पानय
जान वंदुयो यारि जानानय

माजि माल्युन येलि छु आसानो
राजि माल्युन तेलि छु बासानो
मॉज पनुनी ज़िंदु रोज़ी पानय
जान वंदुयो यारि जानानय

बाँय माल्युन येलि छु आसानो
वुहुर्य शैयि रैत्य नज़राह दिवानो
बायि म्याने हा अलाल खानय
जान वंदुयो यारि जानानय

बाबी माल्युन येलि छु आसानो
तोति माल्युन तेलि छु बासानो
बाबी पनुनी राज करी च़ु पानय
जान वंदुयो यारि जानानय

बेनि माल्युन येलि छु आसानो
बेनि पानुवँन्य सीर बावानो
बेनि म्यॉनी राज करी च़ु पानय
जान वंदुयो यारि जानानय

★ ★ ★

३४. ॐ श्रीमत ही बवॉनी

ॐ श्रीमत ही बवॉनी
छय मे आशा चॉनी
छय मे आशा बेयि व्वमेदा
कीवल आशा चॉनी
क्षनुसुय मंज़ दूख तु संकट
दूर करतय च़ु म्यॉनी

छय च़े अरदाह ब्वज़ु बवॉनी
छख सुहस प्यठ च़ुय सवार
अँद्य अँद्य दिवता च़े सॉरी
छिय करान च़ेय ज़ारु पार
अष्ट सेदी ऑदीन च़े छय
पाद चॉन्य न्यथ छलॉनी
क्षनुसुय मंज़ दूख तु संकट
दूर करतय च़ु म्यॉनी

येलि यँद्राज़ु बेयि दीव अँन्य
तंग महिशासुरनुय
यँद्राज़ु आव च़ेय शर्नुय
पादन च़े प्योय परनुय
पतु पतु तस दिवता आयि
फ़क़ु हँत्य तु दोरानुय
क्षनुसुय मंज़ दूख तु संकट
दूर करतय च़ु म्यॉनी

बूज़िथ तिहुंद हाल सोरुय
अदु महिशासुरसुय
वातुनोवथन पाताल येलि
ज़ीर दिच्चुथस ख्वरसुत्य
म्वकुलॉव्यथख बयि निशि दीव
वॅरथख मेहरबॉनी
क्षनुसुय मंज़ दूख तु संकट
दूर करतय च़ु म्यॉनी

सिरिये तय बेयि च़ंद्रम छिय
प्रारान च़ेय होकुमस
कर करि मॉज बवॉन्य ऑगिन्या
प्रकाश बनि ज़गुतस
चानि प्रकाशु किन्य छु संतुश्ट
त्रिबुवन रोज़ॉनी
क्षनुसुय मंज़ दूख तु संकट
दूर करतय च़ु म्यॉनी

ॐ शब्द छख सर्व शक्तिमान
महामाया च़ेय वनान
काम क्रूद लूब बेयि अंदुकार
बखत्यन छख च़ु कासान
चॉनी बख्रुत्य शेवु शक्ती रूपु
द्यान चोन दारॉनी
क्षनुसुय मंज़ दूख तु संकट
दूर करतय च़ु म्यॉनी

मॉज बोज़तम छुय मे हाजथ
अख बक्ती चॉनी
गरि गरि रोज़तम मे सनम्वख
हृदयस मंज़ बवॉनी
सरस्वती हुंद सिंद युथ मे बनि
नेर्यम अमृत वॉनी
क्षनुसुय मंज़ द्वख तु संकट
दूर करतय त्रु म्यॉनी

★ ★ ★

३५. माँज लक्ष्मी आयि सोन सालु लोलो

माँज लक्ष्मी आयि सोन सालु लोलो
कंद तु नाबद बरसय थालु लोलो
लोलु पोशन करसय मालु लोलो
कंद तु नाबद बरसय थालु लोलो

गटु चॅज दूर गव मोह अंदकार
तीज नोन द्राव छ्यतु गव नरकुन नार
लोलु हृदयुक दीप अज्ज बु ज्जालु लोलो
कंद तु नाबद बरसय थालु लोलो

अज्ज छि मावस गटु पछ बेयि बोमवार
सनु पांचुशीथ ललुवान पानु अँकार
शायि शाये लोलुचि ग्रायि लोलो
कंद तु नाबद बरसय थालु लोलो

गरु नावय वॅर अज्ज थिं काँसे
दयि पूश्यतन शिव बाव पूर वाँसे
लक्ष्मी नाथ त्रिजगत पालु लोलो
कंद तु नाबद बरसय थालु लोलो

स्वर्गु द्वार छु बन्योमुत अज्ज आश्रम
ब्रम चोल तय इंद्रीय गोमुत श्रम
छिय च्चे पूजान बँड्य तय बाल लोलो
कंद तु नाबद बरसय थालु लोलो

आँतु रोस्तुय ज़ोतान काँत्याह दूप
दीपमाला बावु छाव असलुक्य रूप
न्याय च़लि तय बेयि आय दायि लोलो
कंद तु नाबद बरसय थालु लोलो

महा गनपथ गदि प्यठ क्याह छु सनिदान
सेदि दाता असि टोठ सारिनुय सान
वलुबा ह्यथ सायं कालु लोलो
कंद तु नाबद बरसय थालु लोलो

राम लक्षमन बेयि अज़ माँज सुता
हलमत ह्यथ वापस आयि अयोध्या
पोज़ ज़िलान मंज़ बारगायि लोलो
कंद तु नाबद बरसय थालु लोलो

पोश फवलनस आयि अज़ बावुक्य पोश
वेरि चाने च़ौर्य दयि नावुक्य पोश
पोशि मोत हय तिमन करि मालु लोलो
कंद तु नाबद बरसय थालु लोलो



३६. रिदु पोशि माल गिंदुने द्रायि लोलो

शूबि शाबाश चानि पोत छायि लोलो
रिदु पोशि माल गिंदुने द्रायि लोलो

राजु हाँज्यानि नाज कया अँज्यनि गर्दन
या इलॉही चेश्मु बद्दु निशि रछतन
गछि कया कम चानि बारगाहि लोलो
रिदु पोशि माल गिंदुने द्रायि लोलो

कालु मोयस टाकॉन्य छय बरसर
पँल्य्लु नाफय मोलमुत मुश्कि अदफर
हँजि पॉरान च्वंजु तय दायि लोलो
रिदु पोशि माल गिंदुने द्रायि लोलो

जाँल्य् वाँकन बाल येलि लागि शुमार
पछ लगनस गँजरुनस लछ तय हज़ार
तमि शायि नो म्वकलन पायि लोलो
रिदु पोशि माल गिंदुने द्रायि लोलो

रवनि ग्वडुकुय यामथ बूजुम साज़
साज़ बोज़ुनि आमुत राजु यँदराज़
पोशि मालु छम पोशि तुल्य् डायि लोलो
रिदु पोशि माल गिंदुने द्रायि लोलो

हल्कु बंदु तॅल्य् शुबान नारे पिस्तान
ती डीशिथ आशकन दिल लूबान
वोल रोसुल मीर चाने मायि लोलो
रिदु पोशि माल गिंदुने द्रायि लोलो

★ ★ ★

“shàmû rang”

A Collection of
Marriage Songs and Leelas
by

Smt. Shamrani Raina



(Internet Edition: M.K.Raina)
05 April 2007

